



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1442. usque ad annum 1460

**Fleury, Claude**

**August. Vind. [u.a.], 1768**

**VD18 90118324**

§. 160. Mediolanensis Ducatus Competitores

---

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

**Sæcul. XV.** *tempore, inquit S. Antoninus, diem clausit extremum serpens ille antiquus, non dierum, sed astutiarum, ex ventris profluvio, & sicut in vita sua nec Deum timens, nec homines verens fuit, ita & in morte sine Sacramentis decedens, quinimo cum & Medicus ejus hortaretur eum ad confessionem, illi mandari fecit, ut amplius non visitaret eum.*

**Æn. Sylv.**  
*de Europ.*  
**cap. 40.**

*Æneas Sylvius Virum depingit: deformi facie ac terribili, instabilibus ac prægrandibus oculis, ingenio peracri, & callido, in audiendo primum difficilem, ast ubi in colloquium venisset, mitem ac placidum, in parcendo facilem, in largiendo profusum, cultus corporis, omnisque lenocinii negligentem, venandi cupidum, equorum studiosum: ceterum quietis impatientem, in pace bellum, & in bello pacem quærentem, egregiam dissimulandi artificem, in milites quam in cives indulgentiorem; delatoribus credulum, in suspiciones adeo pronum, ut sæpe fidissimos a se amicos levissimis de causis alienaret: sermonem de morte audisse invitum, & ad tonitrua ac fulmina mire pavidum. Ei, cum vita decessisset, nec funus tanto Principe dignum ductum esse, nec sepulchri decus additum.*

§. CLX.

*De Mediolanensi Ducatu contendentes.*

**Philippo e vivis erepto complures quidem ad Mediolanensem Principatum aspi-**

aspirabant, sed præ reliquis eminebant sæcul. XV.  
 quatuor, qui omnes jus minime ambi- A. C. 1447.  
 guum sibi suffragari arbitrabantur. Ho-  
 rum primus erat Fridericus Imperator,  
 qui devolutum ad se Ducatum asserebat,  
 cum Philippus sine legitima prole vita  
 functus esset; Blanca enim ejus Filla,  
 quam Franciscus Sfortia uxorem habe-  
 bat, ex illegitimis natalibus ortum du-  
 xit. Alter erat Alphonsus Arragonum  
 Rex, qui se testamento Philippi hære-  
 dem institutum esse contendebat. Ter-  
 tius, Carolus Dux Aurelianensis cogna-  
 tionis jure Principatum petebat, utpote  
 natus ex Valentina Philippi Sorore, &  
 Joannis Galeatii primi Ducis Mediola-  
 nensis Filla; jusque suum firmabat, eo-  
 quod ipsi Philippus Urbem Astensem  
 tradidisset, quæ olim Matri suæ cum to-  
 to Astensi Comitatu in dotem promissa  
 fuerat. Quartus denique erat Franci-  
 scus Sfortia, qui succedendi jus sibi ar-  
 rogabat, eoquod defuncti gener, atque  
 ab eodem in Filium adoptatus fuisset,  
 cui etiam Philippus dotis nomine olim  
 Cremonam assignasset. Mediolanenses  
 econtra recuperandæ libertatis, qua tot  
 abhinc annis exciderant, oppido avidi,  
 statum civitatis reformabant, novamque  
 Reipublicæ formam instituentes, Magi-  
 stratus populares eligebant, id ipsum  
 quoque reliquæ civitates Philippi domi-  
nio

Sæcul. XV. nio olim subjectæ aggrediebantur, ea-  
A. C. 1447. rum tamen nulla consilium exequi pote-  
 rat; partim enim a Venetis, partim a  
 Sfortia, aliisque Principibus omnes istæ  
 urbes occupatæ fuerunt.

## §. CLXI.

*Alphonsus juri suo in Mediolanensem  
 Ducatum cedens.*

*Æn. Sylv.* Alphonsus insigni prorsus, ac plane in-  
*Europ. c. 49* solita moderatione usus, ne totius  
*Antonin. tit.* Italiæ imperium affectare videretur, aut  
*22. e. 12.* adversus se Galliam, Germaniam, Pon-  
*Platin. in* tifices, omnesque Italiæ Principes con-  
*Nicol. V.* citaret, a jure suo prosequendo destitit;  
*Marian. lib.* ad hoc eo vel maxime motus, quod no-  
*22. cap. 5.* vum interea bellum in Florentinos mo-  
*Surita 1. 16.* visset specietenus quidem, ut omnibus  
 suis ditionibus pacem procuraret, Duca-  
 tumque Mediolanensem tueretur, re ta-  
 men ipsa ut Hetruriam (prout Florentini  
 suspicabantur) occuparet, illud vero haud  
 ei pro voto successisset. Scribit Paulus  
 Jovius, Philippum ante obitum suum diu  
 agitare animo, an Alphonsum Regem  
 Sfortiæ genero suo præferret, ut hujus  
 ope Venetæ gentis ambitionem frangere  
 posset; tandem vero devictum amore  
 erga Filiam suam Blancam, quæ jamjam  
 in spem imperii Filium genuerat, Fran-  
 ciscum Sfortiam adoptasse, quamvis  
 Medio-